

惜哉不得往郡紱帳羈紲天覺蜀秀士心
閑思踈豁興趣山水深物外得不愜爲問
此山奇使事冗聊輟駕言迂旌輿窮披到
幽絕歎傳名未彰新詩爲題掇又欲衆推
揚庶酬命迂拙我亦有山癖助緣竟暖熱
遂使庸庸名不獨擅吳越山維自幽異無
名豈云缺在人不知山難免俗士列覺詩
富辭淵波瀾浩溟渤我衰多感慨吟和彊
激烈佳客儻繼遊爲我更騰說

遊天平山

張天覺

宋人
丞相

洞天金闕天一爵層巘石崖寒玉削突兀
雲生縹緲間鬣鬆樹大侵寥廓蒼鹿挨推
北斗魁耍猿弄損南辰角碑文壓破石鰲
頭琅玕爛折玉兔脚背岩松栢碧森森向
日雜花紅灼灼遮礙林慮半壁天琢成雲
漢千里壑宮宰爐燒延壽香避秦採得長